

Ризқ талаб қилишга чақирилган биринчи киши



13:53 / 21.10.2017 4451

Ризқ талаб қилиш масаласига келсак, унга биринчи чақирилган ва унинг учун тадбири кўрилган киши Одам алайҳиссаломдир, чунки аввал у жаннатга киритилганида, иблицдан огоҳлантирилди. Кейин унга жаннатда тўрт нарса берилди ва дейилди:

«Эй Одам, албатта, бу сенга ва жуфтингга душмандир. Яна у икковингизни жаннатдан чиқариб, бадбаҳт бўлиб қолмагин. Албатта, сен у ерда оч-яланғоч қолмассан. Албатта, сен у ерда ташна ҳам бўлмассан, иссиқда ҳам қолмассан»^[1].

Унга жаннатда ушбу тўрт нарса – таом, ичимлик, кийим ва маскан берилди ва уларнинг таъминотидан озод қилинди. Унга: «**Яна у икковингизни жаннатдан чиқариб, бадбаҳт бўлиб қолмагин**», дейилди. Яъни «Мазкур тўрт нарсани топаман деб уриниб, чарчамагин».

Бунда фақатгина бадан чарчоғи кўзланган.

Хотиннинг нафақаси эрга возиблиги

Мана шуни хотиннинг нафақаси эрга вожиблигига далил қиласиз. Нафақа юқорида зикр қилинган тўрт нарсадан иборатдир. У Зот иблицдан бўладиган адоватни, шунингдек, жаннатдан чиқарилишни икковларига нисбат берди. Ризқ талаб қилишдаги мاشақкатни эса Одам алайҳиссаломга нисбат берди.

Машақкатнинг ёлғиз Одам алайҳиссаломга нисбат берилиши нафақа эрга вожиблигига далолат қиласи. Сўнг Китоб (Қуръон) ҳам ушбу умматнинг шариатида нафақа эрларга вожиб эканини таъкидлади.

Ким роббига итоатлироқ бўлса, ризқи осонроқ бўлади

Жаннатдан чиқарилгач, Одам мазкур мешақатга мубтало бўлди. Унинг зурриёти ҳам ҳаёт давомида ўша нарса сабабли мешақат чекадиган бўлди.

Одам алайҳиссаломнинг зурриётидан қай бир киши ўз Робби азза ва жаллага итоатлироқ ва бўйсунувчироқ бўлса, ризқ таъминоти унинг учун осон бўлади. Зотан, Одам алайҳиссалом ҳам ризқ талаб қилишга тоатни тарк қилганидан кейингина мубтало бўлди.

ТАОМНИНГ ЯХШИСИ ВА АЛЛОҲГА МАҲБУБИ

Сўнгра бу ҳақда Расулимиз соллаллоҳу алайҳи васалламдан ва бошқа расуллар алайҳимуссаломдан хабарлар келмиш.

Миқдом розияллоҳу анхудан ривоят қилинади:

«Расулуллоҳ соллаллоҳу алайҳи васаллам дедилар:

«Аллоҳ учун Одам боласи ейдиган таомнинг Аллоҳ учун маҳбуброғи кишининг қўл меҳнатидан бўлганидир. Биродарим Довуд қўл меҳнатидан таом ер эди»^[2].

Шайх Муҳаммад Содик Муҳаммад Юсуф

(касбнинг баёни китобидан)

[\[1\]](#) Тоҳо сураси, 117–119-оятлар.

[\[2\]](#) Бу ҳадисни бошқача лафз билан Бухорий ривоят қилган.